



Inatsisartunut ilaasortaq Sara Olsvig, Inuit Ataqtigiit
Maani/

§ 37 naapertorlugu aalisarnermut inatsit pillugu apeqqutip 152-ip akineqarnera

Ulloq:23-07-2018
Suliap normua: 2018-14969
All. nr.: 8309528

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarneq pillugu inatsimmut tunngasumik apeqquteqarsimavutit. Apeqqutip suliassaqaqarfisannit akineqartussanngorlugit innersuunneqarput.

Postboks 269
3900 Nuuk
Oqarasuaat: (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Naalakkersuisunut apeqqutigisatit:

1. Aalisarnermut inatsit pillugu partiit akornanni isumaqatiginninniarnernut qaqugu Naalakkersuisut qaaqquissamaarpat?
2. Susassaqartut soqutigisaqaqatigiillu qanoq ilillugit suliap nanginnerani akuutinneqarnissaat pilersaarutaava, inatsit pillugu pisortatigoortumik tusarniaasoqaqqissava?

Akissut 1)

Aallaqqaasiutigalugu nalunaarutigissavara Naalakkersuisut Inatsisartut Siulittaasoqarfiannut aalisarnermut inatsisissatut siunnersuummik suli tunniussaqaqarsimangimmata. Aalisarnermut, Piniarnermut Nunalerinermullu Naalakkersuisoqarfik qinnuigaara inatsisissatut siunnersuummik piaartumik suliqaqqullugit. Tamanna tunniunneqarsimatinnagu inatsisissatut siunnersuut Naalakkersuisut iluminni suliassaattut isigineqassaaq. Taamaattorli partiit susassaqartullu allat peqataatinnissaat naatsorsuutigineqassaaq Naalakkersuisut inatsisissatut siunnersuutip ilusissaa isumaqatigiissutigilersimariarpassuk, soorlutaaq Aalisarnermut, Piniarnermut Nunalerinermullu Ataatsimiititaliaq immikkoortuni pisariaqartuni sulinerup ingerlateqqinnerani ingerlaavartumik ilisimatittarlugulu pisariaqarneratut peqataatittarumaarlugu.

Akissut 2):

Inatsisissatut siunnersuutit tamarmik ileqqusoq malillugu tusarniaassutigineqartarput taamaalilluni susassaqartut kattuffillu soqutigisaqaqatigiit aalisarnermik inatsimmik suliqaqqinnermi peqataatinneqartarlutik.

Inussiarnersumik inuulluaqqusilungu

Erik Jensen
Aalisarnermut, Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



11. juli 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Aalisarnermut inatsit pillugu partiit akornanni isumaqatiginninniarnernut qaquq Naalackersuisut qaaqqusissamaarpat?**
- 2. Susassaqartut soqutigisaqaqatigiillu qanoq ilillugit suliap nanginnerani akuutinneqarnissaat pilersaarutaava, inatsit pillugu pisortatigoortumik tusarniaasoqaqqissava?**

(Inatsisartuni ilaasortaq Sara Olsvig, Inuit Ataqatigiit)

Tungavilersuut:

Inuit Ataqatigiit nuannaarutigaaqput Aalisarnermut Piniarnermullu Naalackersuisoq nuna tamakkerlugu siamasissumik isumaqatigiissusiornikkut aalisarnermut inatsisip suliarineqarnissaanik siunnerfeqarluni avammut nalunaarmat. Aammattaaq nuannaarutigaaqput susaqaqartut kattuffiit soqutigisaqaqatigiillu akuutinneqarnissaannik oqariartuuteqarmat.

Partiitut qilanaaraarput isumaqatiginninniarnernut qaaqquneqarnissatsinnut, inuussutissarsiummi nunatsinnut aningaasarsiornikkut pingaaruteqarluinnartumik inissisimasoq siamasissumik isumaqatigiissusiorfigissallugu pisariaqartoq isumaqarpugut.

Ullut suliffiusut qulit qaangiutsinnagit akineqarnissara kissaatigaara.